

## Communicaziun a las medias

### 35avel Top Pop Rumantsch – Return d'ina giuvna “veglia lieu”

Cuira, 09-01-2014 – **Il 35avel Top Pop Rumantsch deriva da Dario Widmer - il renumà giuven rockadur engiadinais. Il nov Top Pop Rumantsch porta il titel «Algordanzas» e vegn preschentà per l'emprima giada ussa venderdi, ils 10-01-2014 tranter las 07:00 – 08:00 al Radio Rumantsch. A partir da las 11:00 datti lura anc in'intervista cun Dario Widmer live en il studio da RTR.**



Era sch'el ha strusch 25 onns pon'ins considerar Dario Widmer sco ina «veglia lieu» dal rock rumantsch. Sut ses surnum d'art Spinfire ha il giuven engiadinais publictà gia dus albums ch'han gi grond resun er ordvart la Rumantschia. Cun la gruppa dal medem num ha el absolvi ils ultims trais onns passa 100 concerts per tut la Svizra enturn e sia chanzun «Sentimaints» dal 2010 ha gi ina bella rotaziun sin las undas da l'antierur radio DRS 3. Sia participaziun al Top Pop vala dentant sco ina embratschada da la scena indigena, ina scena ch'al stat ferm a cor e ch'al ha adina puspè inspirà. La lingua rumantscha saja per el il meglier med per exprimer sentiments, da l'allegria enfin la tristezza, di il musicist ch'è creschì si a Zernez ed abitescha oz a Scuol. A quella lingua ed a sia patria deditgescha Dario Widmer ses Top Pop «Algordanzas», ina pitschna skizza da return, che culminescha en in chor imnic, mega-radiofonic, tegnì en la temprà «indie». In chor ch'annunzia quasi er il novischem album dal premurà rockadur, registrà cun sia nova band - quest terz album «#followme» duai cumparair las proximas emnas.

musica, chant e text: Dario Widmer  
bass: Winnie Bucher  
drums: Pädu Ziswiler

producziun: Manfred Zazzi  
guitarra: Joe Schwach

*Top Pop Rumantsch è ina seria da producziuns da musica nova ed actuala, lantschada da RTR Radiotelevision Svizra Rumantscha l'onn 2005. Tut ils titels da la seria èn d'udir sin la pagina d'internet da RTR sut: <http://www.rtr.ch/home/dossiers/actual/Top-Pop-Rumantsch.html>*

Las emprimas 30 chanzuns èn er disponiblas sin ils disc cumpacts Top Pop Rumantsch vol. 1 & 2 ch'èn da retrair tar: RTR, Via Masans 2, 7002 Cuira.

#### **Dapli infurmaziuns:**

Radiotelevision Svizra Rumantscha  
Jachen Prevost

Tel. 081 255 75 75 / e-Mail: [jachen.prevost@rtr.ch](mailto:jachen.prevost@rtr.ch)